



Broj:
Sarajevo, __.__. 2021 godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na sjednici od __.__. 2021. godine, donijelo je:

ZAKLJUČAK

(prijedlog)

1. Gradsko vijeće Grada Sarajeva razmatralo je tekst Nacrta Odluke o uslovima i načinu sticanja statusa udruženja i fondacija od posebnog značaja za Grad Sarajevo i upućuje ga u javnu raspravu u trajanju od 30 dana od dana upućivanja Nacrta Odluke u javnu raspravu.
2. Subjekti u javnoj raspravi su klubovi gradskih vijećnika i drugi subjekti koji iskažu interes.
3. Ovaj Zaključak, čiji je sastavni dio utvrđeni Nacrt Odluke o uslovima i načinu sticanja statusa udruženja i fondacija od posebnog značaja za Grad Sarajevo, tokom trajanja javne rasprave, biti će javno dostupan na službenoj internetskoj stranici Grada Sarajeva, putem poveznice istaknute na naslovnoj stranici pod naslovom „Poziv za javnu raspravu o Nacrtu Odluke o uslovima i načinu sticanja statusa udruženja i fondacija od posebnog značaja za Grad Sarajevo“.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća pri razmatranju Nacrta Odluke o uslovima i načinu sticanja statusa udruženja i fondacija od posebnog značaja za Grad Sarajevo, tretirat će se kao prilog javnoj raspravi.
5. Za provođenje i organizaciju javne rasprave određuje se Odbor za društvene djelatnosti Gradskog vijeća Grada Sarajeva i gradonačelnica putem nadležne Gradske službe za lokalnu samoupravu i razvoj grada.

PREDSJEDAVAJUĆI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
o uslovima i načinu sticanja statusa udruženja i fondacija
od posebnog značaja za Grad Sarajevo

(nacrt)

Predlagač: Gradonačelnica
Obrađivač: Gradska služba za lokalnu
samoupravu i razvoj grada

Sarajevo, septembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08), Gradsko vijeće Grada Sarajeva, na __. sjednici održanoj __. __. 2021. godine, donijelo je:

(nacrt)

ODLUKU
o uslovima i načinu sticanja statusa udruženja i fondacija
od posebnog značaja za Grad Sarajevo

I OPŠTE ODREDBE

Član 1.

Ovom odlukom utvrđuju se uslovi i način sticanja statusa udruženja i fondacija od posebnog značaja za Grad Sarajevo.

Član 2.

Udruženja i fondacije, u smislu ove odluke su, pravna lica osnovana i registrovana u skladu sa pozitivnim propisima o udruženjima i fondacijama.

Član 3.

Status posebnog značaja za Grad Sarajevo mogu steći udruženja i fondacije čija djelatnost doprinosi afirmaciji Grada Sarajeva, kao glavnog grada Bosne i Hercegovine i Federacije Bosne i Hercegovine, u zemlji i svijetu te čije aktivnosti su od interesa za građane i razvoj Grada Sarajeva, kao multikulturne i multietničke sredine.

Član 4.

II. USLOVI ZA STICANJE STATUSA POSEBNOG ZNAČAJA ZA GRAD SARAJEVO

Udruženja i fondacije koje mogu steći status posebnog značaja za Grad Sarajevo moraju ispunjavati i sljedeće opće uslove:

- a) da su osnovane i registrovane u skladu sa pozitivnim propisima;
- b) da svoje aktivnosti razvijaju na području grada Sarajeva;
- c) da ne obavljaju aktivnosti u ime političke partije;
- d) da prema poreskoj evidenciji nemaju poreskih obaveza i duga po osnovu javnih prihoda;
- e) da su podnijele izvještaj o utrošku sredstava, ukoliko su prethodno bile finansirane iz budžeta Grada Sarajeva.

Član 5.

Pored općih uslova iz člana 4. Odluke, potrebno je da udruženja i fondacije ispunjavaju i sljedeće posebne uslove:

- a) značaj za Grad Sarajevo, u smislu težnje za koncentrisanjem kulturnog, urbanog i ekonomskog razvoja grada, kao metropole;
- b) stepen doprinosa afirmaciji Grada Sarajeva, kao multikulturnoj i multietničkoj sredini;
- c) interes građana grada Sarajeva;
- d) doprinos jačanju tolerancije i razvoju demokratskog društva;
- e) afirmacija urbanog identiteta i vrijednosti;
- f) mogućnost uključivanja u međunarodne događaje kojima se omogućava afirmacija Grada Sarajeva, kao administrativnog, kulturnog i turističkog centra.

III NAČIN STICANJA STAUSA POSEBNOG ZNAČAJA ZA GRAD SARAJEVO

Član 6.

Zahtjev, odnosno inicijativa za sticanje statusa posebnog značaja za Grad Sarajevo, dostavlja se gradonačelniku/ci Grada Sarajeva i to od strane ovlaštenih lica/organa udruženja i fondacija. Zahtjev, odnosno inicijativa iz stava 1. ovog člana mora sadržavati obrazloženje i dokaze o ispunjavanju uslova iz čl. 4. i 5. Odluke.

Član 7.

Podneseni zahtjev, odnosno inicijativu, nadležna Služba procjenjuje sa stanovišta uslova utvrđenih ovom odlukom i svoje mišljenje sa prijedlogom dostavlja gradonačelniku/ci Grada Sarajeva. Gradonačelnik/ca Grada Sarajeva razmatra prijedlog nadležne Službe te Gradskom vijeću Grada Sarajeva upućuje prijedlog Odluke o utvrđivanju posebnog značaja za određeno udruženje ili fondaciju, o čemu Gradsko vijeće donosi konačnu odluku.

Obavezan sadržaj odluke o utvrđivanju posebnog značaja za određeno udruženje ili fondaciju je iznos finansijskih sredstava iz budžeta Grada Sarajeva kojima će udruženje ili fondacija biti finansirani te vremenski period (jedna ili više budžetskih godina) finansiranja.

Član 8.

U slučaju da podneseni zahtjev, odnosno inicijativa ne ispunjava uslove utvrđene ovom odlukom, nadležna Služba podnosiocu upućuje obavijest sa obrazloženjem o provedenom vrednovanju.

IV NADZOR

Član 9.

Gradonačelnik/ca Grada Sarajeva osigurava nadzor nad provođenjem finansiranja udruženja ili fondacije iz budžeta Grada Sarajeva, putem nadležnih službi.

U praćenju nadzora, nadležne službe, svaka iz djelokruga svoga rada, prate realizaciju aktivnosti i daju mišljenje o izvršenom nadzoru gradonačelniku/ci.

V ZAVRŠNE ODREDBE

Član 10.

Izmjene i dopune Odluke vrše se na način i po postupku za njeno donošenje.

Član 11.

Gramatička terminologija korištenja ženskog i muškog roda u ovoj Odluci podrazumijeva uključivanje oba roda.

Član 12.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:

Sarajevo, __.__. 2021. godine

O B R A Z L O Ž E N J E

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Cijeneći da Grad Sarajevo, unutar civilnog društva, pored uobičajene saradnje na osnovu već važećih odluka gradskog vijeća i s njima u vezi propisanih procedura, koje čine pravni okvir za saradnju sa OCD-udruženjima i fondacijama, ima potrebu uspostaviti i poseban vid saradnje sa onim organizacijama za koje cijeni da su od posebnog interesa za glavni grad i lokalnu zajednicu Sarajevo, Gradsko vijeće Grada Sarajeva programiralo je ovu temu i krenulo u redovnoj proceduri, u donošenje ove Odluke.

FINANSIJSKA SREDSTVA

Finansijska sredstva za realizaciju ove Odluke obezbjeđuju se u Budžetu Grada Sarajeva.